

上臺冀須臾緩入郡涕泣以陳格於令不得行返次濟陽深夜自經題詩於壁云薄宦天涯愧此生家園千里夢難成勞心撫字催科拙無限當年卓魯情訃至民皆感激立祠南門以祀之

傅世烈奉天人順治二年知曹縣歲時巡行郊野閭閻疾苦靡不周知事無論大小凡不便於民者悉報罷而撫流移勤勸課允稱循吏尋擢松江府終按察司副使

線 縉奉天人順治初知曹州治尙簡易勸墾荒地歲不下數百頃後土賊竊發隣境櫟杙而曹乃獲安州志稱其有鄭莊之風蓋又能好賢禮士者也累官至副都御史